



Projet promovût di 'La Vôs dai Furlans' e 'ARLeF'

Lu saveviso
che...?

MAMAN

la VÔS dai FURLANS

Daria e Bete
nus insegnin...



Daria si pronte par lâ a provis di bal tradizionâl furlan.
Cjamese, cotule, siâl, cjalcis blancjîs...
sigûrs che no vedi dismenteât alc?

Cjalin insiemi la pontade di
Maman! "A lezion di danze" su



... il Friûl al è siôr di bai popolârs? Une volte si balavin tes
corts e tai curfîi des cjasis e di Invier intes stalis. Balâ al jere
un moment di ligrie e fieste! La Staiare e la Ziguzaine a jerin
une vore cognossudis e si balavin in doi. Te Staiare si zuie cui
façolets: lis fantatis ju lassin colâ par tiere e i fantats ju cjamin sù.
La Ziguzaine e je vivarose e plene di moviments. A voaltris us
plasaressial balâ? Vuê cui tancj grups folcloristics che a son in
Friûl si puedin anjemò viodi e imparâ chestis danzis tant bielîs!

cumò fâs tu!

Cjale ben e cjate la ombre juste!



Piture il dissen!



Ridi
a plene
panze!

Ce i disial un crot ae sô morose?
"Lino a fâ cuatri salts in discoteche?"

Pagjine curade
dal Sportel Regionâl
pe Lenghe Furlane de

ARLeF
AGJENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!?



ANCJE
'ON DEMAND'
SU telefriuli

Cjale lis gnovis
pontadis su
telefriuli

Vinars aes 18.30
e in repliche domenîe
aes 7.00 e aes 13.00

STELIS E LUSIGNIS
Noa



Roc. Alc di chei che
tu âs dongje no ti
convîç, tu fasis ben a
fâ cualchi pas indaûr
e a no cjapâ nissun
impegn.



Taur. Intes discussions
in famee tu âs di vê un
grum di pazienze e no
tu âs di rabiâti. Cussi
dut si sclaris miôr.



Zimui. Ti è vignude
tal cjâf une persone
che no tu viodis di un
pieç, tu fasis ben a
clamâle.



Gjambar. Tal lavôr tu
ravis a meti in pratiche
lis tôs cognossincis
e i coleghis ti disin
gracie.



Leon. La energjie di
chei dîs achi ti puarte
a fâ une vore di sport,
ma une compagne
no tu le âs intai
rapuarts cun chei
altris.



Vergjine. Doman tu
âs di dismenteâ fats
e personis leâts al to
passât.



Balance. La Lune e
à voie di fâti cualchi
dispiet e cussi, cuant
che tu ti gjoldis un
moment di pàs,
jê ti fâs un çopedon.



Sgarpion. Sta plui
dongje a fradis e amîs
parcè che a podaressin
dâti il consei just.



Sagjitari. Tu sês plui
viert cu la int e chest
ti permet di cognossi
personis gnovis,
qualchidune e pues
deventâ tô amie.



Bec di mont. Tu âs
di cjapâ une decision
impuartante, dopre
dut il timp che tu âs a
disposizion.



Agarûl. Tu âs di frontâ
un biel dubi: restâ leât
ae vite di ogni di o fâ
un biel viaç? In ducj i
doi i câs tu cjatarâs un
truc.



Pes. Tu vuelis une vite
comude e plene e
par vèle tu fasis tancj
sfuarçs, atent però a no
lassâ indaûr la famee.